

新城縣志



新城縣志目錄

卷之一 圖式志

縣境圖 縣城圖 縣治圖 學宮圖 諸河圖（原缺）

卷之二 方輿志

分野 疆域 四至 八景 形勝 沿革 山川

河議 風俗

卷之三 建置志

縣治 城池 官衙 學宮 學田 壇廟 寺觀

行署 鎮 鄉 街 市 村莊 橋梁 坊表

部鋪

卷之四 食貨志

戶口 土田 歲賦 徭役 馬價 鹽鈔

馬政 物產

卷之五 典禮志

公式 祀典 鄉飲 鄉射 賓興

卷之六 官師志

縣尹 監縣 主簿 典史 縣尉 知縣 縣丞

主簿 典史 教諭 訓導

卷之七 選舉志

徵辟 進士 舉人 恩選 歲貢 武秩 例貢

吏掾

卷之八 人物志

名賢 寓賢 封爵 善行 孝友 隱逸 壽耆

貞節

卷之九 恩恤志

封贈 祭葬 錄廕

卷之十 綸音志

勅諭 誥命 勅命 諭祭文

卷之十一 綜纖志

災祥 古迹 丘墓 仙釋 雜識

卷之十二藝文志上

奏議記

卷之十三藝文志中

傳序

卷之十四藝文志下

贊詞文詩吟歌疏誄

新城縣志卷之十四 藝文志(下)

贊

伏羲贊

陳鳳梧 巡撫都御史

於維聖神，繼天立極。仰觀俯察，卦爻斯畫。始造書契，以代結繩。開物成務，萬古文明。

神農贊

前人

聖皇繼作，與天合德。始嘗百草，以濟夭折。農有耒耜，市有交易。澤被生民，功垂無極。

黃帝贊

前人

帝德通變，神化宜民。垂裳而治，上乾下坤。并野分州，迎日推

策。百度惟熙，萬世作則。

帝堯贊

前人

欽明揖遜，德協萬邦。巍乎成功，煥乎文章。天地之大，日月之明，允執厥中，道冠百王。

帝舜贊

前人

重華協帝，授受一庭。惟精惟一，睿哲文明。兩階干羽，九韶鳳凰。恭己南面，萬世綱常。

禹王贊

前人

文命四敷，三聖一心。有典有則，克儉克勤。成功不伐，善言則拜。九州攸同，萬世永賴。

湯王贊

前人

勇智天錫，聖敬日躋。建中於民，萬邦惟懷。顧諟明命，肇修人紀。垂裕后昆，道統斯啓。

文王贊

前人

文德之純，於穆不已。肅肅雝雝，緝熙敬止。後天八卦，昭如日星。大哉彖繫，式開太平。

武王贊

前人

丕顯文謨，丕承武烈。偃武修文，天下大悅。丹書之受，洪範之咨。百年遺緒，一代丕基。

周公贊

前人

天生元聖，道隆德備。制禮作樂，經天緯地。上承文武，下啓孔顏。功在萬世，位參兩間。

孔子贊

前人

道冠古今，德配天地。刪述六經，垂憲萬世。統承義皇，源啓洙泗。報德報功，百王崇祀。

顏子贊

前人

天稟純粹，一元之春。精金美玉，和風慶雲。博文約禮，超入聖門。百王治法，萬世歸仁。

曾子贊

前人

守約而博，學恕以忠。聖門真傳，獨得其宗。一貫之旨，三省之

功。格致誠正，萬世欽崇。

子思贊

前人

精一之傳，誠明之學。聖門嫡派，斯道有托。發育洋洋，鳶飛魚躍。慎獨垂訓，示我先覺。

孟子贊

前人

哲人既萎，亞聖斯作。闢邪崇正，言論諤諤。堯舜之性，仁義之學。烈日秋霜，泰山喬嶽。

王太僕灤川先生贊

王家屏

山西山陰人
大學士

琅琊華胄，鄒魯大儒。學探道奧，志攝氣樞。鑿石呂洪，狂瀾抵定。拔書潯江，清衷可鏡。旬宣雲朔，師表衿紳。英髦蔚起，允荷

陶甄。匪直人文，一新觀睇。肅肅軍容，翕安節制。倖師跋扈，虎尾是蹂。朋邪根據，鼠器可投。蠢爾羿蠻，狺狺狂吠。計扼其吭，反擊其背。疾雷乍震，膏雨隨敷。凶渠請死，老稚懽呼。以奏膚功，天子曰嘻。山則有木，汝留度之。乃入深林，乃升大麓。瘴雨晨馳，嵐煙夜宿。梁木甫集，哲人遽萎。卹恩昭錫，慶祉冥綏。寶桂王槐，周禎翼翼。丕踐先猷，永扶皇極。先生之烈，二儀行空。先生之節，百世可風。其徒爲文，表之隧道。言具有徵，汙不阿好。

樂川王公平蠻督木贊

馮琦

臨朐縣人
禮部尚書

江左諸王，肇自始興。奕世衣冠，被于雲仍。新城之盛，逾六十載。天祚明德，表于東海。桓桓太僕，萬夫之傑。牂牁金築，分符

弭節。菲茹羿蠻，翳匿窮藪。雖則癰疥，寧容稂莠。

天子命之，信我天誅。懸師萬里，載馳載驅。乃誓乃師，以剷以宥。潤草膏原，凶渠泥道。乃任其土，乃人其人。不遺一鏃，掃氛息塵。三殿聿新，惟棟惟榱。公再受命，載渴載饑。神之瘁矣，綏此遐方。力之瘳矣，爲天子堂。

國有大蒸，以死勤事。天眷忠貞，永錫不匱。厥年不永，餘慶則延。子孫保之，千百斯年。

王見峰大司徒贊

葉向高

福建福清人
太傅大學士

國家之興，必有世臣。用惟禎幹，瑞則鳳麟。惟王之先，代滋其德。纍纍槐筮，其報不忒。太僕奮起，司徒繼之。惟忠惟孝，以結主

親 垣 鼎 元
知。荆楚嗷嗷，悍王爲政。公折其姦，氣乃愈勁。自李而諫，侃侃直聲。逆鱗頻觸，孤鳳時鳴。維彼柄臣，植黨以鬭。公立其間，屹然不動。乃司同牧，遂典鴻臚。天顏日侍，尺寸不踰。棘寺既躋，節鉞在望。公顧其僚，稽首以讓。維輦轂下，七貴五侯。公來作尹，城社畢搜。詔下求珠，司農檄峻。徵尹堅持，畿民力盡。長孺戇直，孝肅清嚴。我思古人，伊公其兼。省土而豪。三尺具存，皇恤其曹。亦有非辜，冤呼莫恤。公爲平亭，覆盆斯出。峴山嵯峨，江漢流波。前羊後王，楚人所歌。

帝曰汝勞，歸汝朝右。主計董戎，如左右手。公游既倦，公卧遂堅。抗疏歸來，三徑依然。子姓翩翩，如龍如鳳。司馬功高，爲時梁

棟。公實勸之，移孝作忠。白雲引領，公曰毋庸。猗嗟海內，不乏
高門。孰有如公，多賢子孫。藹藹清時，名流亦夥。孰有如公，巍
然碩果。東海泱泱，介立巖嶠。寰區所仰，併公而三。下爲海岳，
上爲箕昴。寥廓翱翔，公神不撓。

詞

告永寧山祝嘏詞

王重光

邑人貴
州參議

維鉅材之挺生兮，託峻岳之崇崗。結重壤以延育兮，參雲漢而高
驤。飲天地之醇和兮，吸日月之輝光。經萬年以堅潤兮，永神峙
而惟康。顧托身於冥奧兮，時倒景於深溟。兼道路之迷迴兮，羌

匿彩於重嶺。閱人世而莫知兮，信無人之境。豈惟瘴癘之爲虐
兮，抑且有虎豹豺狼之猛。自古在昔之采訪兮，徒疲使者於奔走。
將天意之有在兮，爲我

皇上而不偶。惟

皇上之純孝兮，於昭於天也孔久。維上天之垂鑒兮，介以福也孔厚。
不然胡茂林之森森兮，昔無而今有。不然胡天使之紛紛兮，昔無
而今取。允

皇上之純嘏兮，總神靈之貺佑。仗重臣之精忠兮，萃然之妙構。惟
茲多木兮，鍾五行之秀氣。自有生以至今日兮，爲世代之弃。飽
風霜而不改節兮，羨爾立身之義。驅螻螳而不爲蠹兮，羨爾保身

之智。今

九重之仄席兮，正爾顯身之地。捐萬金以爲聘兮，可膠山林之高致。勅命重臣以督爾兮，當遂賓王之利。勸爾翻然而起兮，作廊廟之器。金鑾玉殿兮，賴爾爲之制。龍樓鳳閣兮，賴爾爲之締。復有離朱督繩兮，伯夔奮斤。或爲應龍之虹梁兮，偃蹇鬱雯。或爲凌雲之蜺棟兮，磊砢嶙峋。或爲躍天之蚪棖兮，璀璨紛紜。或爲映霞之綉桷兮，夭矯如紋。塗之以丹雘兮，環瑋壯麗。繪之以日月兮，靈光皓碧。圖之以雲漢兮，章灼赫奕。象之以天地兮，宏連豐翳。環虎賁以爲衛兮，何其安也！侈玉帛以爲玩兮，何其富也！羅萬國以來朝兮，又何尊也！欣龍顏以流盼兮，又何榮也！猗多

福之爾賁兮，勿戀戀於巖穴。念上下之爾珍兮，宜連茹於帝闕。

維

皇上之爾求兮，聖諭嚴切。惟相府之爾求兮，檄書不絕。維部院之爾求兮，遣使駐節。維撫臺之爾求兮，寢食是輟。惟巡臺之爾求兮，過門不屑。惟省郎之爾求兮，衝風冒雪。惟藩司之爾求兮，力殫財竭。惟臬司之爾求兮，鬻罪出孽。惟文職百官之爾求兮，目血心裂。惟武職百官之爾求兮，貌瘦面鐵。惟爾德之本仁兮，忍使我上下之望缺。昔爾遯世兮，亘萬古而不遇。今爾顯此兮，將受無窮之祚。請爾適性情之正兮，乃晤乃娛。效飛走之能兮，展羽展足。慶爾之亨通兮，仰